



UNIT KORPORAT DAN PERIHUBUNGAN AWAM

MAKLUMAT MPJBT MELALUI AKHBAR UNTUK BULAN JULAI 2017

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	07-2017/001	05.07.2017	Sinar Harian	Info MPJBT	Dana RM1.4 juta jayakan pelbagai program kebajikan
2.	07-2017/002	09.07.2017	Sinar Harian	Info MPJBT	Hasrat DAP telah lama diketahu : MB
3.	07-2017/003	10.07.2017	Sinar Harian	Info MPJBT	Akademi Bolasepak Sayangi Gelang Patah cari pelapis baharu
4.	07-2017/004	11.07.2017	Kosmo	Info PBT	Kerajaan akan tingkatkan perkhidmatan PBT
5.	07-2017/005	11.07.2017	Metro	Info PBT	Perkasa khidmat PBT
6.	07-2017/006	11.07.2017	Sinar Harian	Info PBT	Fokus mantapkan PBT
7.	07-2017/007	11.07.2017	Utusan Malaysia	Info PBT	Perkhidmatan PBT akan dimantapkan lagi - TPM
8.	07-2017/008	11.07.2017	Berita Harian	Info PBT	Kerajaan mantapkan lagi khidmat PBT
9.	07-2017/009	17.07.2017	Sinar Harian	Info MPJBT	MPJBT bakal naik taraf
10.	07-2017/010	26.07.2017	Sinar Harian	Info MPJBT	Bayar parkir kendaraan guna SMS


RINGKASAN LAPORAN UNTUK BULAN JULAI 2017:

JENIS ARTIKEL	JUMLAH
ADUAN	0
INFO MPJBT	5
INFO PBT	5
JUMLAH	10



MAJLIS PERBANDARAN JOHOR BAHRU TENGAH

No. Daftar	: 07-2017/001
Tarikh	: 05.07.2017 (Rabu)
Jenis Akhbar	: Sinar Harian
Jenis Artikel	: Info MPJBT
Tajuk Artikel	: Dana RM 1.4 juta jayakan pelbagai program kebajikan



Mohammad Khairi ketika menyampaikan bantuan oleh Yayasan Penyanyang MPJBT kepada penerima dalam satu majlis di Bangunan MPJBT baru-baru ini.

Dana RM1.4 juta jayakan pelbagai program kebajikan

JOHOR BAHRU - Sejumlah RM1.4 juta diperuntukkan Yayasan Penyanyang Majlis Perbandaran Johor Bahru Tengah (MPJBT) sepanjang tahun ini bagi menggerakkan pelbagai aktiviti dan program kebajikan untuk masyarakat setempat.

Pengerusinya, Mohammad Khairi A Malik berkata, daripada jumlah berkenaan sebanyak RM400,000 diperuntukkan bagi program pendidikan, RM400,000 bagi aktiviti kebajikan, RM300,000 bagi golongan belia dan baki RM300,000 bagi badan bukan kerajaan (NGO).

"Sebelum ini sebanyak RM1.1 juta diperuntukkan pada tahun lalu bagi membantu golongan kurang berkemampuan di sekitar kawasan MPJBT dan tahun ini kita tambahkan

lagi dana agar lebih ramai golongan sasaran mendapat manfaatnya.

"Sejajar dengan objektif penubuhan yayasan ini, aktiviti yang dijalankan bertujuan mengurangkan kadar kemiskinan dan membantu masyarakat meningkatkan taraf ekonomi mereka," katanya.

Mohammad Khairi berkata, yayasan berkenaan meletakkan keutamaan terhadap aspek pendidikan bagi meningkatkan kualiti pelajaran dalam kalangan pelajar dan belia di kawasan berkenaan.

"Dalam usaha meningkatkan kualiti pendidikan belia setempat ini kita telah menganjurkan Majlis Apresiasi Pelajar Sijil Tinggi Persekolahan Malaysia (STPM) yang melibatkan seramai 65 pelajar daripada tiga sekolah menengah.

"Kesemua pelajar ini berjaya mencapai keputusan cemerlang dalam peperiksaan STPM 2016. Sebelum ini mereka telah dibantu dalam beberapa program khas calon STPM seperti Program Kecemerlangan Akademik Menjulang Gemilang STPM," katanya.

Katanya, beliau turut berbesar hati apabila program anjuran yayasan berkenaan berjaya membantu golongan sasar menambah pendapatan keluarga sekali gus mampu berdikari dengan menceburkan diri dalam bidang perniagaan dan keusahawanan.

"Kita telah menganjurkan pelbagai kursus kemahiran yang dibuka kepada golongan belia, suri rumah dan ibu tunggal seperti kursus jahitan," katanya.





MAJLIS PERBANDARAN JOHOR BAHRU TENGAH

No. Daftar	: 07-2017/002
Tarikh	: 09.07.2017 (Ahad)
Jenis Akhbar	: Sinar Harian
Jenis Artikel	: Info MPJBT
Tajuk Artikel	: Hasrat DAP telah lama diketahui : MB

Hasrat DAP telah lama diketahui: MB

GELANG PATAH - Menteri Besar Johor, Datuk Seri Mohamed Khaled Nordin menyifatkan hasrat DAP mahu mengambil alih tumpuk pemerintahan negeri ini sebagai sesuatu yang ber-nafsu besar.

Menurutnya, perkara itu bukan sesuatu yang baharu malah telah diketahui lama sejak dulu lagi.

"Kita sedar mengenai perkara itu dan memang daripada dulu lagi mereka mempunyai nafsu besar untuk ambil Johor.

"Jadi persiapan dan penyusunan strategi telah dirangka untuk memastikan matlamat mereka itu tidak menjadi kenyataan," katanya.

Beliau berkata demikian pada sidang media ketika melawat Rumah Terbuka Umno Bahagian Gelang Patah, di Padang Majlis Perbandaran Johor Bahru Tengah (MPJBT),

di sini, semalam.

Justeru, beliau berkata, Umno Johor telah menyusun beberapa strategi bagi memastikan parti tersebut kekal menerajui pemerintahan negeri ini.

"Setiap parti akan meletakkan sasaran masing-masing dan kita juga telah susun pelbagai langkah agar mereka tidak berjaya ambil alih negeri ini.

"Langkah awal yang diambil ialah memastikan awal setiap Pusat Daerah Mengundi (PDM) dalam setiap bahagian itu bergerak dan di peringkat peringkat kerajaan negeri pula kita telah berjaya menyelesaikan pelbagai isu dan cabaran dihadapi buat masa ini," katanya.

Terdahulu, Timbalan Perdana Menteri, Datuk Seri Dr Ahmad Zahid Hamidi memberitahu beliau bersama Perdana Menteri, Datuk Seri Najib Tun Razak akan memberi fo-



Mohamed Khaled (empat, kiri) bersama tetamu yang hadir di Program Rumah Terbuka Umno Bahagian Gelang Patah, di Padang MPJBT, semalam.

kus kepada Johor dalam PRU akan datang.

Perkara tersebut disuarakan ekoran laporan diterima kerajaan mengenai usaha parti

pembangkang yang dilihat mempunyai strategi untuk memenangi lebih banyak kerusi di negeri ini.





MAJLIS PERBANDARAN JOHOR BAHRU TENGAH

No. Daftar	: 07-2017/003
Tarikh	: 10.07.2017 (Isnin)
Jenis Akhbar	: Sinar Harian
Jenis Artikel	: Info MPJBT
Tajuk Artikel	: Akademi Bolasepak Sayangi Gelang Patah cari pelapis baru

Akademi Bolasepak Sayangi Gelang Patah cari pelapis baru

GELANG PATAH - Akademi Bolasepak Sayangi Gelang Patah akan memulakan pencarian bakat baharu bermula Ogos ini bagi membantu penyediaan pelapis muda dari daerah berkenaan.

Ketua Umno Bahagian Gelang Patah, Mohamad Khairi A Malik berkata, seramai 64 pemain berusia 12 tahun ke bawah akan dipilih untuk menjalani latihan selama satu tahun menerusi akademi berkenaan secara percuma.

Menurutnya, pemilihan akan

dilakukan melalui enam zon dalam daerah Gelang Patah melibatkan peruntukan sebanyak RM50,000 bagi setiap pengambilan tahunan.

"Tujuan utama untuk memberi peluang kepada kanak-kanak mendapat pendedahan awal, sekali gus menyiapkan diri mereka dengan persekitaran sebenar sebagai pemain."

"Ia juga merupakan langkah untuk menggalakkan generasi muda daerah ini terlibat dengan aktiviti sihat, sekali gus mem-

• RM50,000
diperuntukkan
untuk tujuan
berkenaan

bantu mencari pelapis baharu dalam sukan bola sepak," katanya selepas majlis perasmian Akademi Bolasepak Sayangi Gelang Patah sempena Rumah Terbuka Umno Bahagian Gelang Patah di Padang Majlis Perbandaran Johor Tengah (MPJBT), di sini, kelmarin.

Hadir menyempurnakan majlis, Menteri Besar Johor, Datuk Seri Mohamed Khaled Nordin.

Mohamad Khairi berkata, rutin latihan pula akan dijalankan pada setiap minggu yang mana akan dikendalikan beberapa bekas pemain kebangsaan.

"Kita akan adakan latihan di sebuah padang yang akan dipilih nanti pada setiap hari Jumaat dari jam 8 hingga 10 pagi."

"Bagi tenaga pengajar pula, kita telah melantik bekas pemain kebangsaan antaranya, Nasir Yusof, Roslan Hamid dan Ahmad Norhalim," katanya.



Khairi (tengah) bergambar bersama ahli Umno dan bekas pemain kebangsaan yang akan menggalas tugas sebagai jurulatih.





MAJLIS PERBANDARAN JOHOR BAHRU TENGAH

No. Daftar	: 07-2017/004
Tarikh	: 11.07.2017 (Selasa)
Jenis Akhbar	: Kosmo
Jenis Artikel	: Info PBT
Tajuk Artikel	: Kerajaan akan tingkatkan perkhidmatan PBT

Kerajaan akan tingkatkan perkhidmatan PBT

PUTRAJAYA – Kerajaan akan memfokuskan kepada usaha memantapkan lagi perkhidmatan Pihak Berkuasa Tempatan (PBT) yang bertanggungjawab memilihara dan menjamin kelestarian alam sekitar.

Timbalan Perdana Menteri, Datuk Seri Ahmad Zahid Hamidi berkata, perkara itu dibincangkan dalam Mesyuarat Majlis Negara Bagi Kerajaan Tempatan ke-71 selaras dengan peranan PBT sebagai pentadbir bandar, khususnya dalam menjaga aspek kebersihan, keselamatan, kesejahteraan dan keselesaan.

“Sehubungan itu, sebanyak 13 kertas mesyuarat telah dibincangkan termasuk kesedaran terhadap kebersihan awam dan meningkatkan penguatkuasaan,” katanya.

dalam satu kenyataan di sini semalam.

Beliau sebelum itu mempergerusikan Mesyuarat Majlis Negara Bagi Kerajaan Tempatan ke-71.

Turut hadir Menteri Kemajuan Kesejahteraan Bandar, Perumahan dan Kerajaan Tempatan, Tan Sri Noh Omar.

Ahmad Zahid berkata, kertas kerja berhubung penggunaan Sistem Pembinaan Berindustri turut dibincangkan sebagai salah satu kaedah untuk memantapkan industri pembinaan negara.

“Mesyuarat Jemaah Menteri pada 9 September 2015 sebelum ini bersetuju mewajibkan pelaksanaan penggunaan kaedah IBS bagi projek bernilai RM50 juta dan ke atas bagi sektor swasta,” katanya.



AHMAD ZAHID (kanan) mempergerusikan Mesyuarat Majlis Negara bagi Kerajaan Tempatan ke-71 di Bangunan Perdana Putra, Putrajaya semalam.





MAJLIS PERBANDARAN JOHOR BAHRU TENGAH

No. Daftar : **07-2017/005**
Tarikh : **11.07.2017 (Selasa)**
Jenis Akhbar : **Metro**
Jenis Artikel : **Info PBT**
Tajuk Artikel : **Perkasa khidmat PBT**

Perkasa khidmat PBT

Siti Aisyah Sukaimi
sitiaisyah@hmetro.com.my

Putrajaya

Kerajaan berusaha untuk memantapkan lagi perkhidmatan pihak berkuasa tempatan (PBT) yang bertanggungjawab sebagai pentadbir bandar khususnya dalam aspek kepentingan penjagaan kebersihan, keselamatan, kesejahteraan dan keselesaan serta memulihara dan menjamin kelestarian alam sekitar.

Timbalan Perdana Menteri Datuk Seri Dr Ahmad Zahid Hamidi berkata, perkara berkenaan antara yang dibincangkan pada Mesyuarat Majlis Negara Bagi Kerajaan Tempatan (MNKT) ke-71 di pengrusikan oleh beliau, disini, semalam.

Menurutnya, 13 kertas mesyuarat dibincangkan antaranya, kesedaran terhadap kebersihan awam dan penguatkuasaan iaitu semua

■ **13 kertas mesyuarat dibincangkan untuk tingkat mutu layanan kepada rakyat**



DR Ahmad Zahid mempergerusikan MNKT ke-71 di Bangunan Perdana Putra, Putrajaya, semalam.

PBT disaran meningkatkan penguatkuasaan.

"Perkara ini membabitkan pemasangan sistem perangkap minyak terutama di premis komersial, masalah tandas awam kotor, penggunaan bahan pencuci bersesuaian dan berkesan, pembasmi infestasi tikus

yang menjadi masalah kesihatan awam serta masalah keselamatan dan kesihatan semasa mengendalikan bahan kimia berbahaya di kawasan PBT.

"Seterusnya, mewujudkan garis panduan tadika dan tasca dengan persekitaran selamat, bebas halangan untuk

kanak-kanak, penjaga, pengguna lain di dalam bangunan bertenagak dan memastikan persekitaran pembelajaran berkualiti tinggi, selesa serta selamat untuk perkembangan rohani dan jasmani kanak-kanak," katanya selepas mesyuarat berkenaan, semalam.





MAJLIS PERBANDARAN JOHOR BAHRU TENGAH

No. Daftar : **07-2017/006**
Tarikh : **11.07.2017 (Selasa)**
Jenis Akhbar : **Sinar Harian**
Jenis Artikel : **Info PBT**
Tajuk Artikel : **Fokus mantapkan PBT**

Fokus mantapkan PBT

PUTRAJAYA - Kerajaan fokus memantapkan perkhidmatan pihak berkuasa tempatan (PBT) sebagai pentadbir bandar, khususnya dalam aspek kepentingan penjagaan kebersihan, keselamatan, kesejahteraan dan keselesaan serta memulihara dan menjamin kelestarian alam sekitar.

Timbalan Perdana Menteri, Datuk Seri Dr Ahmad Zahid Hamidi berkata, bagi merealisasikan usaha tersebut, sebanyak 13 kertas mesyuarat dibincangkan pada Mesyuarat Majlis Negara Bagi Kerajaan Tempatan (MKNT) Ke-71 yang dipengerusikannya di sini, semalam.

Katanya PBT disaran memperkuuh penguasaan bagi meningkatkan kesedaran terhadap kebersihan awam seperti pemasangan sistem perangkap minyak terutamanya di premis komersial, masalah tandas awam kotor, penggunaan bahan pencuci bersesuaian dan berkesan serta pembasmian infestasi tikus yang menjadi masalah kesihatan.

"Ini juga termasuk masalah keselamatan dan kesihatan semasa mengendalikan bahan kimia berbahaya di kawasan PBT," katanya dalam kenyataan sempena mesyuarat itu.

Mesyuarat juga menyentuh mewujudkan garis panduan tadika dan taska dengan persekitaran selamat, bebas halangan untuk kanak-



Ahmad Zahid sebelum mempengerusikan Mesyuarat Majlis Negara Bagi Kerajaan Tempatan ke-71 semalam. Turut hadir Menteri Kesejahteraan Bandar, Perumahan dan Kerajaan Tempatan, Tan Sri Noh Omar (depan, kiri) dan Timbalannya Datuk Halimah Sadique (kanan).

kanak, penjaga, pengguna lain dalam bangunan bertingkat dan memastikan persekitaran pembelajaran berkualiti tinggi, selesa serta selamat untuk perkembangan rohani dan jasmani kanak-kanak.

Ahmad Zahid berkata, mesyuarat turut membincangkan pelaksanaan inisiatif ke arah memulihara alam sekitar seperti mengawal pembangunan chalet atas air agar kawasan tarikan semula jadi sentiasa terpelihara dan mewajibkan pemasangan sistem pengumpulan dan penggunaan semula air hujan (SPAH) yang boleh mengurangkan permintaan

bekalan air awam.

Dalam pada itu, mesyuarat yang dihadiri menteri kabinet, menteri besar, ketua menteri serta ketua agensi dan jabatan berkaitan turut menggalakkan proses perwartaan cadangan pindaan Undang-undang Kecil Bangunan Seragam 1984 (UKBS 1984) (Pindaan 2012) oleh kerajaan negeri agar pelaksanaan menyeluruh dapat diaktuasakan secara seragam oleh PBT.

Mesyuarat juga membincangkan mewujudkan garis panduan tadika dan taska dengan persekitaran selamat, bebas halangan untuk kanak-





MAJLIS PERBANDARAN JOHOR BAHRU TENGAH

No. Daftar : **07-2017/007**
Tarikh : **11.07.2017 (Selasa)**
Jenis Akhbar : **Utusan Malaysia**
Jenis Artikel : **Info PBT**
Tajuk Artikel : **Perkhidmatan PBT akan dimantapkan lagi-TPM**



AHMAD ZAHID HAMIDI mempengerusikan Mesyuarat Majlis Negara Bagi Kerajaan Tempatan ke-71 di Bangunan Perdana Putra, Putrajaya, semalam. Turut hadir, Noh Omar. - BERNAMA

Perkhidmatan PBT akan dimantapkan lagi – TPM

PUTRAJAYA 10 Julai – Kerajaan terus berusaha memantapkan lagi perkhidmatan pihak berkuasa tempatan (PBT) yang bertanggungjawab sebagai pentadbir bandar.

Timbalan Perdana Menteri, Datuk Seri Dr. Ahmad Zahid Hamidi berkata, antara usaha yang difokuskan adalah dalam aspek penjagaan kebersihan, keselamatan, kesejahteraan dan keserasian selain memulihara serta menjamin kelestarian alam sekitar.

Katanya, perkara itu dibincangkan pada Mesyuarat Majlis Negara Bagi Kerajaan Tempatan Ke-71 yang berlangsung di Bangunan Perdana Putra, di sini hari ini dengan 13 kertas telah dibincangkan termasuk berhubung kesedaran terhadap kebersihan awam dan penguasaan.

“Semua PBT disarankan meningkatkan penguasaan bagi perkara-perkara seperti pemasangan sistem perangkap minyak terutama di premis-premis komersial, masalah tanidas awam kotor, penggunaan bahan pencuci bersesuaian dan berkesan, pembasmian infestasi tikus yang menjadi masalah awam serta masalah keselamatan dan kesihatan semasa mengendalikan bahan kimia berbahaya di kawasan PBT.

“Yang turut dibincangkan ada-

lah langkah mewujudkan garis panduan tadika dan taska dengan persekitaran yang selamat, bebas halangan untuk kanak-kanak, penjaga, pengguna lain di dalam bangunan bertingkat dan memastikan persekitaran pembelajaran yang berkualiti tinggi, selesa serta selamat untuk perkembangan rohani dan jasmani kanak-kanak,” katanya dalam satu kenyataan sempena mesyuarat berkenaan hari ini. Turut hadir Menteri Kesejahteraan Bandar, Perumahan dan Kerajaan Tempatan, Tan Sri Noh Omar.

Ahmad Zahid berkata, mesyuarat juga membincangkan pelaksanaan inisiatif-inisiatif ke arah memulihara alam sekitar seperti mengawal pembangunan calet atas air agar kawasan tarikan semula jadi sentiasa terpelihara selain mewajibkan pemasangan Sistem Pengumpulan dan Penggunaan Semula Air Hujan (SPAH) yang boleh mengurangkan permintaan bekalan air awam.

“Mesyuarat membincangkan mengenai menggalakkan perwartaan terhadap cadangan pindaan kepada Undang-undang Kecil Bangunan Seragam 1984 (UKBS 1984) (Pindaan 2012) oleh kerajaan negeri agar pelaksanaan menyeluruh dapat dikuatkuasakan secara seragam oleh PBT.

“Antara cadangan pindaan

UKBS 1984 (Pindaan 2012) adalah mengenai kecekapan tenaga yang memandatorikan Piawaian Malaysia MS1525 - Kod Amanan bagi Kegunaan Kecekapan Tenaga dan Tenaga Boleh Diperbaui dalam sektor bangunan bukan kediaman.

“Yang turut dicadangkan adalah keperluan melaksanakan kehendak-kehendak menentang dan mencegah kebakaran secara aktif dan pasif disesuaikan dengan praktis senibina serta kejuruteraan masa kini,” katanya.

Selain aspek penjagaan kesihatan dan pemuliharaan alam sekitar, Ahmad Zahid berkata, mesyuarat membincangkan tentang penggunaan Sistem Binaan Berindustri (IBS) sebagai salah satu kaedah untuk memantapkan industri pembinaan negara.

“Mesyuarat Jemaah Menteri pada 9 September 2015 telah bersetuju mewajibkan pelaksanaan penggunaan kaedah IBS bagi projek bernilai RM500 juta dan ke atas bagi projek sektor swasta.

“Susulan itu, mekanisme terbaik bagi merealisasikan keputusan Jemaah Menteri tersebut adalah dengan mewajibkan syarat penggunaan kaedah IBS sebagai sebahagian daripada syarat dalam permohonan Keberanan Merancang atau Perintah Pembangunan dan juga Pelan Bangunan,” katanya.





MAJLIS PERBANDARAN JOHOR BAHRU TENGAH

No. Daftar : 07-2017/008
Tarikh : 11.07.2017 (Selasa)
Jenis Akhbar : Berita Harian
Jenis Artikel : Info PBT
Tajuk Artikel : Kerajaan mantapkan lagi khidmat PBT



Ahmad Zahid mempengerusikan Mesyuarat Majlis Negara Bagi Kerajaan Tempatan Ke-71 di Perdana Putra, Putrajaya, semalam.



Mesyuarat juga membincangkan kertas kerja mengenai menggalakkan proses terhadap cadangan pindaan Undang-Undang Kecil Bangunan Seragam 1984 oleh kerajaan negeri supaya pelaksanaan menyeluruh dapat dikuatkuasakan secara seragam oleh PBT”

Ahmad Zahid Hamidi,
Timbalan Perdana Menteri

Kerajaan mantapkan lagi khidmat PBT

13 kertas kerja dibentang dalam MKNT Ke-71

Oleh Zanariah Abd Mutalib

Putrajaya -

Kerajaan berusaha untuk memantapkan lagi perkhidmatan pihak berkuasa tempatan (PBT) sebagai pentadbir bandar di negara ini, kata Datuk Seri Dr Ahmad Zahid Hamidi.

Timbalan Perdana Menteri berkata, antara perkara yang ditumpukan adalah kepentingan aspek penjagaan kesihatan, keselamatan, kesejahteraan dan keselesaan selain memulihara serta menjamin kelestarian alam sekitar.

Beliau memaklumkan, perkara itu dibincangkan pada Mesyuarat

Majlis Negara Bagi Kerajaan Tempatan (MKNT) Ke-71 yang dipengerusikannya di Perdana Putra, di sini, semalam.

13 kertas kerja dibentang

Sebanyak 13 kertas kerja dibentangkan pada mesyuarat itu, antaranya kesedaran terhadap kebersihan dan kebersihan awam serta meningkatkan penguatkuasaan. Contohnya, pemasangan perangkap minyak terutama di premis komersial, tandas awam kotor dan pembasmian tikus.

“Selain itu, mewujudkan garis panduan TADIKA dan TASKA dengan persekitaran yang selamat dan melaksanakan inisiatif ke arah memulihara alam sekitar turut menjadi agenda mesyuarat.

“Mesyuarat juga membincangkan kertas kerja mengenai menggalakkan proses terhadap cadangan pindaan Undang-Undang Kecil Bangunan Seragam 1984 oleh kerajaan negeri supaya pelaksanaan menyeluruh dapat dikuatkuasakan secara seragam oleh PBT,” katanya dalam seragam oleh PBT” katanya dalam seragam yang dikeluarkan selepas mesyuarat itu.

Ahmad Zahid berkata, kertas kerja berhubung penggunaan Sistem Pembinaan Berindustri (IBS) turut dibincangkan sebagai antara kaedah bagi memantapkan industri pembinaan negara.

Katanya, mesyuarat Jemaah Menteri pada 9 September 2015 bersetuju mewajibkan pelaksanaan penggunaan IBS bagi projek swasta bernilai RM50 juta dan ke atas.

“Susulan itu, mekanisme terbaik bagi menzahirkan keputusan berkenaan adalah mewajibkan syarat penggunaan IBS sebagai sebahagian syarat permohonan Kebenaran Merancang atau Perintah Pembangunan dan Pelan Bangunan, yang kejayaan pelaksanaannya bergantung kepada PBT,” katanya.

Malaysia tuan rumah WUF

Mesyuarat juga membincangkan persediaan Malaysia menganjurkan Forum Bandar Dunia (WUF) Ke-9 yang dijadualkan berlangsung dari 7 hingga 13 Februari 2018 di Pusat Konvensyen Kuala Lumpur (KLCC), bagi mengkaji isu mendesak yang dihadapi dunia berkaitan perbandaran dan pemenuhan





MAJLIS PERBANDARAN JOHOR BAHRU TENGAH

No. Daftar	:	07-2017/009
Tarikh	:	17.07.2017 (Isnin)
Jenis Akhbar	:	Sinar Harian
Jenis Artikel	:	Info MPJBT
Tajuk Artikel	:	MPJBT bakal naik taraf

MPJBT bakal naik taraf

SKUDAI - Majlis Perbandaran Johor Bahru Tengah (MPJBT) bakal dinaik taraf sebagai Majlis Bandaraya Iskandar Puteri (MBIP) pada 22 November ini.

Yang dipertuanya, Adib Azhari Daud berkata, majlis pengisytiharan dan pecah tanah bangunan barunya akan berlangsung di Medini, Iskandar Puteri.

Menurutnya, pelbagai program sedang dirancang selaras dengan usaha berkenaan.

"Kami masih dalam peringkat perbincangan mengenai susun atur bangunan,



ADIB AZHARI

reka bentuk, kerja pembinaan dan sebagainya.

"Buat masa ini, kawasan ini (Skudai) masih kawasan PBT dan kerajaan bersetuju MPJBT dinaik taraf," katanya kepada *Sinar Harian*.

Bagaimanapun, beliau berkata, bangunan lama MBJBT di Skudai masih beroperasi.

Ditanya sama ada pihaknya menyasarkan sebarang peningkatan kadar cukai selepas naik taraf PBT berkenaan, beliau berkata, mereka akan fokus pada kesedaran menjaga kebersihan tempat tinggal bagi membendung kes denggi.





MAJLIS PERBANDARAN JOHOR BAHRU TENGAH

No. Daftar : 07-2017/010
Tarikh : 26.07.2017 (Rabu)
Jenis Akhbar : Sinar Harian
Jenis Artikel : Info MPJBT
Tajuk Artikel : Bayar parkir kendaraan guna SMS

Bayar parkir kendaraan guna SMS

NORSHIKIN MOHD SALLEH

SKUDAI - Dengan hanya menghantar khidmat pesanan ringkas (SMS) atau memuat turun aplikasi yang disediakan, pengguna tidak lagi dibelenggu mengenai bayaran tempat letak kendaraan dalam kawasan bandar raya ini.

SMSParkir yang diperkenalkan Majlis Bandaraya Johor Bahru Tengah (MPJBT) meletakkan pihak berkuasa tempatan itu yang pertama di negara ini melaksanakan pembayaran caj bayaran tempat letak kereta berdasarkan SMS.

Menteri Besar, Datuk Seri Mohamed Khaled Nordin berkata, produk penyelidikan UTM ini membawa revolusi baharu dalam pembayaran dan penguatkuasaan tempat letak kereta berdasarkan internet.

"Hampir kebanyakan

orang memiliki telefon bimbit, ia bukan hanya sebagai alat perhubungan tetapi sebagai alat untuk mendapatkan perkhidmatan kerajaan, perniagaan, interaksi sosial, hobi, minat dan aktiviti riadah masyarakat sekalipun kesemuanya sudah mula diterjemahkan dalam bentuk digital yang mudah dicapai di hujung jari.

"Kita mahu mengembangkan ekonomi digital berdasarkan inovasi dengan lebih pelbagai dan kita mahu membiasakan masyarakat untuk berurusan dengan kerajaan negeri menggunakan kemudahan atas talian atau perkhidmatan digital," katanya dalam ucapan yang dibacakan Pengerusi Jawatankuasa Perumahan dan Kerajaan Tempatan negeri, Datuk Md Jais Sarday.

Mohamed Khaled berkata, perlaksanaan SMS

INFO

- Beri manfaat kepada hampir 1 juta penduduk
- Caj parkir 40 sen untuk setengah jam dan 60 sen untuk sejam



Md Jais melancarkan SMS Parkir iaitu sistem bayaran tempat letak kendaraan dalam talian.

Penggunaan SMS ini mudah iaitu menghantar SMS ke 33122, pengguna juga boleh muat turun aplikasi SMSParkir bagi pengguna Android ataupun iOS dimana caj letak kereta akan ditolak dari jumlah kredit telefon

bagi pengguna pra bayar ataupun caj dikenakan dalam bil bulanan bagi pengguna pasca bayar.

Bayaran yang dikenakan iaitu 40 sen bagi tempoh setengah jam, manakala 60

sen bagi setiap 1 jam selain kawasan petak parkir dicat dengan nombor pengenal untuk pengguna yang menggunakan SMS untuk tujuan penguatkuasaan.

Mohamed Khaled

berkata, kemudahan dalam talian atau perkhidmatan digital sedang rancak dipraktikkan termasuk permohonan rumah mampu milik menerusi sistem e-perumahan Johor.

